

آیدہ ایچی دفعہ نشر اولتور

بر سنہ لک آونہ بدلی قرق بش غروشد

بر نسخہ سی ۲ غروشد

مشورہ

وشاورم فی الامر

مدیری : احمد رضا

محل ادارمی :

48, Rue Monge, Paris.

عنائی اتحاد وترقی جمیتک واسطہ نشر یاتیدر

اجمال احوال

دول معظمہ قونسلوسلربی شاشیرتیور . عسکرک حرکاتنه قارشمنه مجبور ایدور .

کریددن آدیغمز مکتوبلره کوره بوقدر مصرف وزختنه سوق اولتان عسکرک مطلوب درجده فائدہ سی ، حسن وتأثیری اولیورمش . ضابطانک چوغی جاهل وقورقاق ایش . مهمات محافظه ایدلیورمش . طیب یوقش . خستہ لقدن قیریلانلر چوقش .

حکومت مجلس عمومی طوبلادی ، خرسیتان مبعولردن نہ ایستدکربی صورتی . آئدره ، مملکتده امن واسایشک استمراری ایچون لازمکن شیرلی بیلدیردیلر . استانبوله عرض اولندی . جوابیز قالدی . یکریمی تموزده یکریمی بدی خرسیتان اعضا امضاسیلہ برایتنجی استدعا دها کوندرلدی . بو استعداده : « یاس ونومیدی موجب اولان شوخاله قارشو حکومت سنیہنک دقت واعتاسنی جلبله عنایت ومعاونت سریعمنی صوگ دفعہ اولهرق متضرعاً استدعاہی جرأتی فریضہ ذمت بیلدک . وقت وزمانیلہ رهین تنسب عالی اولورسه تہلکہ حاضرہنک دفعی قابل اولهجنی وجزیرہنک تخریبندن صکرہ آرتق ہرنہ پایلسہ قیمت ودکری قالمیجینی عرض اولتور » دینور . وحکومت محلیہنک کوزی اوکنده حتی بعض یرده عسکرک معاونتیلہ یاقیلان ، ییقیلان قریہلرک برر برر اسملری ذکر اولندقدنصکرہ « بوچرم وجناتی ارتکاب ایدنلرک سربست کرمکده وحرمت ورعایت کومکده اولدقلری وبویله مجازاتسز قالمہلری هرکسک حکومتدن امنیت واعتادینی منسلب ایلدیکندن اسلام وخرستیان اہالینک قورقودن سوقاغہ حیقامہ دینی ، دکان آچہمادینی » بیلدیریور .

بوصوگ تکلیفہ جواب اولق اوزره حکومت کریدہ ذہنی پاشایی کوندردی . حالوکہ مبعولر ذہنی پاشا ایلہ مذاکرہ بہ رغبت ایتیمورلر . قوری لافدن اوصانق ، اجراءات ایسترز دیورلر .

خرستیان مبعوللرک بعض فضله وحقسز مطالبی مشورتک فرانسیزہ علاوہسندہ دفعاتلہ ردوجرح ایلمشدک . انجق حق وحریت ادعاسیلہ آیقلاقلان برقومہ ہانکی دین وملتن اولورسہ اولسون عاصی نظریلہ باقمہمار . ادارہ حاضرہنک ظلم واعتسافہ خرسیتانلر تحمل ایدہمہدکرنندن سلاح

انکلتزہ ملت مجلسی صوگ اجٹاغندہ کرید مسئلہسنی مذاکرہ ایستدی . اوستریا دولتی دیگر دولترہ خارجک معاوتندن ارباب اختلالی منع اٹمک ایچون اطلہنک متفقاً تحت محاصرہی آلمنسی تکلیف ایلمشدی . انکلتزہ خارجہی مستشاری : حقلی براختلالی قوہ جبریہ ایلہ منہ قالقشمق مخاطدر . « فکرندہ بولندی . مجلسدہ حکومت نامنہ سوز سولہین موسیو بلقور : حکو- متک مقصدی کریدی منتظم برادرہ آئندہ بولندیرمقدر . بواغوردہ هر شیئی یابہبقدر . اختلالک اوکنی آلمق ایچون سلاح استعمالہ رضاسی بوقدر . باب عالینک وعدلردن دها قوی ودھا زیادہ بایدار اولهجنی برشی پایلمادجہ اطہنی بوحالہ براقق جائز دکلدر . « دیدی . عسکردن ادارہ حاضرہدن کیمسہ امین اولدینی ایچون محاصرہ تکلیفی تصوب وقبول ایدنلر آزدور . لکن کریدہ مختاریت ویرلسی رأیندہ بولانلر چوقدر . روسیا حکومتی ابلقوہ مسئلہسنی بشقہ طرزده تفسیر ایستدی : اطلہنک دول اجنہی طرفدن محاصرہسی دولت عثمانیہنک حقوق حکمرانیسنہ دوقونیر » دیدی .

مرمرہی حیقارہجنی برکیمز اولدینی بیلدیکندن « بوایشی حکومت کندی بایالیدر » کی استہزائہ دولتی لایق کوردی . مکمل دوغاسیلہ برزمان قریمدن جبل طارقہ قدر بتون سواحلہ ، دکرلرہ حکم ایدن واجنی قراللرک امدادینہ کیلر بولایان برسلطتہ بوکون دشمنک مسخرہسی اولق نہ بیوک ذلدر . کریدک اطرافی بویلہ ایچق قالدجہ خارجدن کلان یاردمک بالطبع اوکی آتہماز . هرکون برچوق یونان ضابطانی کریدہ کوکللی کیدیور . اختلال ، قتال دوام ایدور . خرسیتان اہالی یوانستانہ ، اسلام شہرہ قاجیور . کیمی بولده آچلقدن ، خستہ لقدن ، کیمی خائن قورشوندن تلف اولیور . پادشاہ حالا مذاکرہ ، مضاربہ ایلہ وقت کچیریور . متصل مأمور وقوماندان دکشیدیور . دون نشان ویردیکنی بوکون عزل ایدیور . حاصلی نہ یایدینی بیلیمور . ارمنی وقمہسندہ سرایدن ذکی پاشایہ خصوصی امرلر تبلیغ ایلدیکنی کی شمدیہدہ کرید قوماندانہ باب عالی بہ اوغرامہدن بعض کیزلی خبرلر کوندر- لیدیک وبونلردن کرید والیسنک بیلہ خبری اولدینی سولیتور . بوامر ونہی

صاریلورلر . بونلره سزده بزم کی بویون بوککر ، صبر وقاعت ایدیکر دیه‌مه‌یز . صبر وسکوتنک مادی ومعنوی برچوق مضرتی کورپوز . دول معظمه بزی‌ده حکومت مستبده ایله هم افکار سانور . ملکمزده اصلاحات خرسیتانلره امتیازات ویرلکدن عبارت قالیور . چونکه شکایت ، طلب هب او طرفدن اولور .

کریده وریلان امتیازلرک ، خصوصیه حلبا مقاوله‌سنک مسلمانلره ضرری دوقوندینی کبی ارمینلره ویرله‌جک امتیازلرکده یارم عصر صکره کردلی ، جرکرلری محو و تارمار ایده‌جکی شه‌سزدر . بوکاسب اسلاملرک جهاتی ، عطائیدر . ارمینلر لهنده ، کردلر علیهنده یازمادق شی بر اقلامدی ، جهان صارصلدی . برکرد قالقوب‌ده یا هو نه یاپورسکر دیه‌دی ؛ اعتراض ایلمه‌دی . مغدور و محتاج قالان خرسیتانلره هر طرفدن اعانه لکپور . عالم آجیور ، چاره تحری ایدیور . چونکه دنیاده یالکر بونلرک آواز اشتکایی ایشیدیلور . مظلوم مسلمانلره کیمسه بش پاره کوندرمیور . اسلاملرک جوئی بلکه کریده احتلال اولدینگی ده ایشتمه‌مشدر . بو حال بزه عیب دکلیدر ؟

انطولی‌ده ، ماکدونیده ، کریده ترکک ، ارمینک ، رومک ، حاصلی هیچ برملتک قبول ایده‌مه‌جکی برطابق خرسز ، ادبیز ، ظلم حریرلر حکومتک ضعفندن بالاستفاده قومشورینک مائه ، جانه قصد ایدیورلر . بزلت حاکمه‌یز ، ملکمزده اولان بیتن ایشاردن مسئولز . بوقدر جنایت اولدی . فاعلاری میدانه چیقاردلی . نه ایچون محاکمه ایدلیور ؛ جزایه چارپلمیور ؟ انشی محاکمه قباحک تسلسلاً سلطان عبدالحمید انتقال ایده‌جکی معلومدر . پادشاه مرام اکلاتقی ، حدینی بیلدیرمک تمکن اوله‌میورسه فاعل مشترکی اولان مأمورلری تأدیب ایده‌جک قدر یورکمزده جسارت ، حیت قلامدیی ؟ ناموس ملته ، شان اسلامیه لکه سورن آچقلاری ، خاشلری متصرف ، والی ، ناظر طایفه ؛ انلرک اسیری اولغه نهدن مجبوری کورپوز ؛ سلاحه ، قتاله حاجت یوقدر . برملکتک سعادت وسلامتی اوراده برلکده یاشایان اهالینک ال برلکله ایش کورمه‌لرینه متوقفدر . مسلم ، غیر مسلم بر وطن اولادی ، برشهر اهالیسی برلشهرک حکومت قوناغه کیملی ، شرع وقانونه رعایت ایتمین والی ، متصرفی قولندن طوبوب دیشاری آتایلدر . ولایتزده اشراف معتبران اهالیدن مرکب برر حکومت موقته تأسس ایده‌جک اولورسه بوکون دول اجنبیه مراجعت ایدن خلق هب اورابه صغیر . بوئودیره صکره پایخته‌ده امتثال ایدن چوق بولنور . شاید بزداورانناز و کندیمزده ملکی اداره‌یه قوت واقدار اولدینگی فعلاً آبات ایلمزسه‌ک اجنبیلرک مداخله‌سنه ، حتی استیلاسنه حتی ویرمش اولورز . ترکیانک احوالی اصلاح ایچون برقونره‌یه لزوم کورلدیکنه دائر کچلرده المانیا سفارتیدن چیقان برسوز افواه ناسده دونوب دولاشیور . لورد سالزبوری دوورده ایراد ایدیکي نطقده : اقتراض وزوال خسته‌لنی بوکون چورومکده اولان برنقطه‌دن دیگر صاغلام نقطه‌لرده

سرایت ایده‌یلور . لکن دول معظمه تهلکه‌نک اوکئی آلیز امیدندیم « دیور . حریرلر وجود دولک قانغون اولدیندن ، چورودیکندن بحث ایدیورلر . بزحالا غزیه‌لر مزده : کریده اخیراً تحدید ایدن بعض وقوعات نامرضیه‌دن طولانی دول معظمه‌نک حقوق مقدسه سلطنت سینه‌ی محافظه‌یه قرار ویردکاری ایشیدیشدر « کبی تسلیله متلذذ اولیورز . دولته قوت قالمادینگی وحکم و قوفاظلمانه‌سنی عربستان وحقی عجمستان چوللرینه قدر یورونه بیلیمک غرضیه اطرافه طولیادینی هرکله‌لره اوفق بردری عصیانی تسکینه موفق اوله‌مدینگی کورمیورز . حقوق مقدسه سلطنتی بزحافظه ایتمکی‌یز . ایش فرنگلره قالیسه حلتز یماندر .

پادشاه بوارالق انکلتزه ایله خوش کچمکه جالشور . مقصدی اورادن اله جفی قوته ملککده یه ترقی وعدالت طرفدارلرینی محو ایلمکدر . پارلتوده ده‌اچین کون کرید خرسیتانلرینی تقدیر وسرای تحقیر ایده‌جک سوزلر سولتمشدی . قولاق آسمه‌دی . کوس دیکلمش بر آدم هیچ اوپله پارلتو کورتولرینه ، حقارتنه اهینتی ویرر ؟

مالیه‌مزده بش پاره قلامدینگی انکلتزه حکومتی بیلوردی . قریم وقبریس تأمینانه استتاداً بر مقدار پاره ویره‌رک خنکاری روسیا قوجاغندن آیرمقی ، کندی طرفه جلب اتمک بولتیقه‌سنی طوتدی . پاره ایچون مملکتی ، ناموس سلطنتی ، هرشی فدا ایدن سلطان عبدالحمید آلتون سینی ایشیدر ایشتمز صیرندی . روسیا قوجاغنده براز سیقلمه — اوتانغه دیه‌مه‌یز — باشلامشدی . موسیو ماقسیموفک امرلرینی زور هضم ایدیوردی . بوضورته اوزلاشمینی جانه منت بیلدی .

اون سکر بیلدیری حکومت حاضره هرنه یایسه روسیا کوز یومیور ، سس چیقارمیوردی ؛ چونکه اوروپا نظرنده بزی حقیر کوسترمک ، اعتباردن دوشیرمک ایستیوردی . سلطان عبدالحمیدک همتیه بوکام موفق اولدی . بلغاری ، صربی ، قره طایغه برلشدیردی . شمدی « باقیر ترکارک رزالتنی ، خر- ستیانره ایتدکاری ظم وعداوتی کوریکر . نه قدر جاهل ، باربار و کندیلرینی اداره‌دن عاجز اولدققرینی اکلیسکر « دیور . واقعا اصلاحات طلب ایدیور ؛ لکن بواصلاحاتی اولاکندینی دشمن ترقی کوسترمه‌مک ؛ ثانیاً وطنمیزی کاملاً ضبط واشغال ایده‌جک زمان ده‌اچله‌دیکنی اکلادینندن برمدت ده‌ا خاشلر ائنده بولندیرمقی ایچون طلب ایدیور . ترقی و اصلاحات طرفدارلرینک ایشه باشلایه‌جفی کون بسوک غاله چیقاراق تشبثاته مانع اولقی ایسته‌یه‌جکی شه‌سزدر . بزشمه‌دی قدر وقوعاتن متنبه اولمادق . مغفلت جزایی چکیورز . بوضوک دورک سیثاتی باری بڑه بردرس اولسون .